

bilbao **museoa**

Prestakuntza-bekak
Iberdrola –
Bilboko Arte Ederren
Museoa

2022-2023

Bilboko Arte Ederren Museoa
Museo de Bellas Artes de Bilbao



DEIALDIA

IBERDROLA ESPAÑA FUNDAZIOAK eta BILBOKO ARTE EDERREN MUSEOA FUNDAZIOAK bi beka emateko deialdira deitu dute, artelanak kontserbatzeko eta zaharberritzeko esparruaren prestakuntzan laguntzeko eta ikerketa sustatzeko. Prestakuntza beka horiek xede hauek dituzte:

- aneratzea sustatzea eta ikasleak testuinguru profesionalera hurbiltzea.
- Museo-jardueretako prestakuntza eta esperientzia handitzea, arreta berezia jarriz kontserbazioaren eta zaharberritzearen esparruari, jakintzak eta trebetasun teknikoak garatuz eta indartuz.
- Kontserbazioaren eta zaharberritzearen egungo irizpideak eta metodologiak ezagutzea eta aplikatzea.
- Ikerketarako gaitasunak sustatzea, ikuspegi zientifikotik.

DEIALDIKO POSTUAK

MUSEOko Kontserbazio eta Zaharberritze Sailerako bi posturako deialdia egin da. Beken onuradunek honako jarduera hauek gauzatuko dituzte:

- Museoaren bilduma kontserbatzeko eta zaharberritzeko tratamenduak egitea.
- Egindako lanak dokumentatzea.
- Mailegu-proiektuetan eta aldi baterako erakusketetan parte hartzea.
- Ikerketa teknikoak lanak.

EZAUGARRIAK

Iraupena:

Programa 2022ko irailaren 1an hasiko da, eta hamar hilabeteko iraupena izango du.

Beka behin bakarrik luzatu daiteke, beste hamar hilabetez. Horretarako, MUSEOko Kontserbazio eta Zaharberritze Sailak eta zuzendaritzak aldeko txostena egin beharko dute, amaiera-data baino bi hilabete lehenago, gutxienez.

Ordutegia:

Asteleheneretik ostiralera, 09:00etatik 15:00etara.

Oporrak:

2022ko abenduaren 26tik 2023ko urtarrilaren 5era eta 2023ko apirilaren 3tik 10era. Halaber, EAEko lan-egutegian 2022rako eta 2023rako ezarrita dauden jaiegunak aplikatuko dira.

Diru-zuzkidura eta oinarri juridikoa:

15.000 € gordin, hamar hilabeteen ordainduta, hil bakoitza amaitu ondoren.

BILBOKO ARTE EDERREN MUSEOA FUNDAZIOAK Gizarte Segurantzaren alta emango die bekaren titularrei eta, gainera, museoak istripu-aseguru eta erantzukizun zibileko aseguru bana kontratatuko du bekadunen izenean, gerta litezkeen gorabeherak eta gauzei edo pertsoneri eragin liezazkieketen kalteak estaltzeko, guztia programak irauten duen denboran.

Programan parte hartzeak ez du inola ere esan nahi lan-harremana dagoenik beken onuradunen eta museoaren artean. Ondorioz, harremana bi alderdien arteko hitzarmen pribatua sinatuz antolatuko da.

DEIALDIAREN HASIERA

2022ko maiatzaren 20tik ekainaren 10era. Ez da onartuko data horietatik kanpo aurkeztutako eskabiderik.

BALDINTZAK

- Arte Ederretako diplomatura, lizentziatura edo gradua izatea, kultura-ondasunak kontserbatzeko eta zaharberritzeko espezialitatearekin (esaterako, pinturan, paperean eta eskulturan).
- Eskatutako unibertsitate-titulua lortzera bideratutako ikasketak 2015-16 ikasturtetik (barne) aurrera amaitu izana. Epeari dagokionez, diplomatura, lizentziatura edo gradua amaitu izana baino ez da aintzat hartuko; izan ere, ez da kontuan hartuko doktorego ikastaroen edota graduondoko bestelako ikasketen amaiera data.
- Batez besteko nota berariaz adierazten duen espediente akademikoa. Atzera botako dira oso ongi notatik beherako batez besteko balorazioa duten espediente akademikoak.
- Ezagutza aurreratuak argazkigintzan eta irudien tratamendu digitalean.
- Hizkuntzak: ingelesa. Aintzat hartuko da beste hizkuntza batzuetan ezagutzak izatea.

AGIRIAK

- NANA edo dokumentu baliokidea.
- Curriculum vitae.
- Batez besteko nota berariaz adierazten duen espediente akademikoa.
- Gomendiozko bi gutun, aktiboan dauden eta hautagaiari ikasgaiak eman dizkien irakasleek sinatuta.
- Memoria bat, non adieraziko den zer arrazoi dituen hautagaiak bekara aurkezteko eta zer emaitza lortu nahi dituen programarekin. Idazteko, honako arau hauei jarraitu beharreko zaie:
 - Luzera: 5 orrialde
 - Letra-tipoa: Arial Narrow
 - Letra-tamaina: 12 puntu

Eskatutako agiriak fitxategi bakarrean bidaliko dira, pdf formatuan. MUSEOAK, beharrezkotzat joz gero eta edozein unean, eskatutako agiriaren jatorrizkoak eska ditzake.

ESKABIDEAK FORMALIZATZEA

Museoaren webgunean ([hemen](#)) horretarako prestatutako online inprimakiaren bidez. Galderarik edo zalantzarik izanez gero, hona jo:

Zerbitzu Orokorretako eta Giza Baliabideetako Zuzendariordetza

Tel. 94 439 60 60

HAUTAPEN-PROZESUA

Aurretiko fasean, oinarrietan ezarritako baldintzak betetzen direla egiaztatuko du MUSEOAK.

Eskatutako agiriak ezarritako epearen barruan aurkezten ez dituen hautagaiari akatsa hiru eguneko epean konpontzeko eska dakiok. Epe hori amaitzean, atzera botako da automatikoki.

Aurretiko hautaketa hori gainditu ondoren, eskabideak 100 puntuko gehienekoarekin balioztatuko dira, jarraian adierazitako faseen eta horietako bakoitzaren puntuazioaren arabera.

Lehenengo fasea: 60 puntu

- Curriculum vitaearen eta espediente akademikoaren balorazioa: 40 puntu.
 - Prestakuntza-merezimenduengatik: 25 puntu.
 - Lan-merezimenduengatik: 15 puntu.
- Hautagaiak idatzitako memoriaren balorazioa: 20 puntu.

Lehenengo fasea gainditu eta bigarrenera igarotzeko, gutxienez, 40 puntu lortu beharko dira.

Bigarren fasea: 40 puntu

Elkarrizketa pertsonala. Horretarako azterketa eta balorazio batzorde bat eratuko da, zeinak buru izango duen Leire Jaureguibeitia Cayrols du idazkari gisa ere. Batzordekideak izango dira Javier Novo González jauna, Kontserbazio eta Ikerketa koordinatzailea, eta M.^g José Ruiz-Ozaita Ruiz andrea, Kontserbazio eta Zaharberritze Saileko burua.

IBERDROLA FUNDAZIOAREN aldetik, honako hauek izango dira batzordekide: Teresa Rodríguez de Tembleque andrea, Prestakuntza eta Ikerketa eta Lankidetzeta eta Solidaritatea arloetako arduraduna, eta Carmen Recio andrea, Artea eta Kultura eta Iraunkortasuna eta Biodibertsitatea arloetako arduraduna.

Batzarkide guztiek besteren esku utz ditzakete beren funtzioak, zuzenean gauzatu ezin dituztenean.

Hautagaien aurretiko hautaketan berdinketa egonez gero, batzordeko buruak izango du kalitatezko botoa.

Museoa zuzenean jarriko da harremanetan bigarren fase horretarako hautatu dituztenekin. Gainera, bere webgunean (**hemen**) hautatuen zerrenda argitaratuko du, eta elkarrizketaren eguna eta ordua adieraziko ditu.

EBAZPENA

Hautapen-fase hori amaitu ondoren, ikerketa- eta balorazio-batzordeak titularren eta ordezkoren zerrenda egingo du, haien puntuazioen ezaugarriak zehatz-mehatz azalduta, hasieran edo programaren indarraldian gerta litezkeen uko-egiteei erantzuteko, eta museoaren webgunean argitaratuko da (**hemen**).

Museoak 2022ko uztailaren 9an baino lehen jakinaraziko die ebazpena onuradunei, eta beken esleipena hutsik utz dezake, erabat zein partzialki.

BATERAEZINTASUNAK

Deialdi honen peko laguntza jasotzea ez da bateragarria izango Estatuko edo Europako funts publikoekin edo pribatuekin finantzatutako beste edozein beka edo diru-laguntzarekin, ez eta interesdunen kontratu edo estatutu bidezko lotura dakarren inongo soldatarekin, eta bidegabeki jasotako diru-kopuruak itzuli beharko dira.

Beka behin bakarrik jaso ahal da.

BETEBEHARRAK

Nahitaezkoa da beka idatziz onartzea, hautatuei emango zaien posta elektronikoko helbidearen bidez, esleipenaren jakinarazpena jaso eta bost egun naturaleko epean. Ezarritako epearen barruan egin ezean, uko egin dela ulertuko da, eta ordezkoren zerrendako hurrengo hautagaiari emango zaio beka.

Beka onartzeak berekin dakar museoarekin hitzarmen pribatua sinatzea, zeinaren bidez betebeharrak hauek onartzen diren:

- MUSEOAREKIN konfidentzialtasun-konpromisoa sinatzea.
- Hala IBERDROLARI nola MUSEOARI baimena ematea beka jaso dutenen izenak nor bere webguneetan eta memorieta argitaratzeko.
- Programan zehaztutako zereginak eta bekaren xedea betetzeko egokiak diren jarduerak gauzatzea.
- Laneko segurtasuneko eta higienezko arauak betetzea, nahitaez eta berehala bete behar baitira, beren eta museoan lan egiten duten pertsonen osotasun fisikoari eragiten baitiete.
- Oinarrietan zehaztutako ordutegia betetzea.
- Eta, orokorrean, beka onartzeak esan nahi du titularrak berariaz onartzen dituela museoak oinarri hauetan adierazitako baldintzei buruz har ditzakeen erabakiak.

BEKAREN GARAPENA

Onartutako hautagaiak MUSEOko Kontserbazio eta Zaharberritze Saileko buruaren gainbegiradapean jardungo du, eta azken horren ardura izango da hautagaiaren tutoretza eta jarraipena egitea eta bi txosten idaztea: lehenengo bost hilabeteetan gauzatutako jardueri buruzko justifikazio-txosten labur bat eta behin betiko txostena, programa amaitzean.

Beken titularrek amaierako memoria aurkeztu beharko dute.

MUGIKORTASUNA ETA TRUKEA

Beka honen esparruan, MUSEOAK eta IBERDROLAK titularren mugikortasuna eta trukea sustatuko dute, Prado Museoarekin hitzarmena eginez. MUSEOAK ez du bermatzen hitzarmen hori gauzatuko denik; hala, hitzarmena egitea museo-erakundeetako bakoitzak mugikortasuna eta trukea egiteko dituzten aukeren mende geratuko da.

BEKA ETETEA ETA ATZERA BOTATZEA

Bekaren titularrak bere betebeharrak betetzen ez baditu, MUSEOAK beka amaitutaz eman ahal izango du, ezertan eragotzi gabe egokitutako lekizkieken beste ekintza batzuk.

Ezinbesteko arrazoiren batengatik, gaixotasunagatik eta/edo amatasunagatik, beka atzeratzea edo etetea aurreikus daiteke. Atzeratzeko edo eteteko beharrezkoa izango da hori justifikatuko duten berme dokumentalak aurkeztea. Etenaldia amaitu ondoren, aukera egongo da hori berrikusteko eta, behar izanez gero, behin betiko bihurtzeko, atzeratzeko edo eteteko arrazoiek irauten badute.

Hala behin betiko etena egitean nola atzera botatzean, bekaren titularrak jasotako zuzkiduraren % 50 itzuli beharko du, horretarako ezarritako prozeduraren arabera.

OINARRIAK ALDATZEA

MUSEOAK oinarri horiek aldatzea erabaki ahal izango du eta, horretarako eta baliozkoa izateko, nahikoa izango da bere webgunean argitaratzea (**hemen**).

bilbao **museoa**

Prestakuntza-bekak
Iberdrola –
Bilboko Arte Ederren
Museoa

2022-2023